

NvK verweigert Georg Mynner¹⁾, Bürger zu Brixen, die Belehnung mit einer Wiese in Brixen, die Georg von Peter Heboler als Lebensträger seiner Frau Dorothea gekauft habe, weil Heboler die benannte Wiese und andere Leben nicht ordnungsgemäß empfangen habe. Die Wiese und die anderen Leben der Dorothea sollen jedoch bis zur vollständigen Rückzahlung des bereits entrichteten Kaufpreises im Besitz des Georg Mynner verbleiben.

Kopie (gleichzeitig): BOZEN, StA, BA, BL I f. 355^v und 358^r (zusätzlich eingelegter Zettel, da der Platz auf f. 355^v nicht ausreichte).

Wir Niclaus etc. bekennen, daz fur uns kam unnsere getrewer Jorg Mynner, unnsere burger ze Brichsen, und gab uns zubeckennen, wie er von unnsern getrewen Petern Heboler als lehentrager anstat Dorotheen, seiner hausfrawn, ein wisen daselbs ze Brichsen gelegen gekauft und die derselb Peter vor unnsern anwelten²⁾ aufgeben hiet, und bate uns diemüticklich, daz wir im dieselb wisen gnedicklich gerüchten zuverleihen. Und wann aber derselb Peter die benant wisen und ander lehen von uns nit emphanen noch solhe gelt umb die benanten wisen empfangen nicht nach seinem zusagen angelegt hat, darumb wir in sorgen sein, die benant sein hawsfraw mochte hinfur hoher verlaitt und in schaden gefürt werden, und darauff sein wir in willen mit solhen lehen der benanten frawen zugehörend hinfur nach ratt und dem pesten ungewaren und unns deswillen, damit der benant Jorg Mynner solhs seins ausgeben gelts nit grosser schaden emphahe, haben wir im von sundern gnaden vergunt, die benante wisen untz im das benant sein ausgeben gelt von dem Heboler bezalt und im widerwerde, innzehaben und zeniessen ungewerlich. Auch sullen im darczu alle ander lehen, so die benante fraw von uns hat, in solher maß verhefft sein, damit daraus weder wenig noch vil uncz auf volle bezalung der benanten summ dem benanten Mynner von dem dem Heboler getan beschehe, unbekümet noch verkaufft werde in dhain weys angeverde. Mit urkund dits briefs. Datum Brauneck an phintztag vor Palmarum anno l^x^{mo}.

4 die: *ü.d.Z.* 5 wir im: *a.R. eingefügt.* 7 noch: *folgt gestr. mit.* 10 hinfur: *ü.d.Z.* 11 unns: *folgt gestr. desgl.* 13 von: *ü.d.Z.* 17 werde: *ü.d.Z.*

¹⁾ *Georg Mynner, Bürger zu Brixen, zwischen 1453 und 1496 erwähnt; s. Flachenecker, Geistlicher Stadtherr 104, 114; Kustatscher, Städte II, Beilage-CD, (4449, BüBx).*

²⁾ *S.o. Nr. 5739.*